

## REGLUGERÐ FRAMKVÆMDASTJÓRNARINNAR (EB) nr. 308/2009

2010/EES/21/18

frá 15. apríl 2009

## um breytingu á III. viðauka A og VI. viðauka við reglugerð Evrópuþingsins og ráðsins (EB) nr. 1013/2006 um tilflutning úrgangs til að laga þá að vísindalegum og tæknilegum framförum (\*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 1013/2006 frá 14. júní 2006 um tilflutning úrgangs<sup>(1)</sup>, einkum l. mgr. 58. gr.,

og að teknu tilliti til eftirfarandi:

- 1) Samkomulagið, sem náðist á áttunda fundi aðila að Basel-samningnum um eftirlit með flutningi spilliefna milli landa og förgun þeirra, sem haldinn var frá 27. nóvember til 1. desember 2006, kallar á breytingar á VI. viðauka við reglugerð (EB) nr. 1013/2006 um tilflutning úrgangs. Breytingarnar varða það að skipta út „kg“ og „lítri“ fyrir „tonn (Mg)“ fyrir heildarmagn fyrirframsamþykkt úrgangs og þannig næst samræmi við einingarnar í I. viðauka A, I. viðauka B og VII. viðauka við þá reglugerð.
- 2) Hinn 29. febrúar 2008, 10. mars 2008, 17. mars 2008 og 29. apríl 2008 lögðu nokkur aðildarríki, skv. c-lið 1. mgr. 58. gr. reglugerðar (EB) nr. 1013/2006, auk þess til við framkvæmdastjórnina að hún vægi það og mæti að blöndum tveggja eða fleiri úrgangstegunda, sem eru tilgreindar í III. viðauka, yrði bætt á skrá í III. viðauka A.
- 3) Fulltrúarnir, sem voru tilnefndir skv. 54. gr. reglugerðar (EB) nr. 1013/2006, samþykktu á fundi, sem haldinn var í samræmi við 57. gr. þeirrar reglugerðar, að leggja fram tilteknar upplýsingar með hverri beiðni þess efnis að færa blöndur í III. viðauka A á skrá til að unnt sé að meta viðkomandi blöndur. Mat hefur verið lagt á þessar upplýsingar í samræmi við reglugerð (EB) nr. 1013/2006.
- 4) Umhverfissvæn meðhöndlun úrgangs tekur til notkunar á aðferðum og tækni sem stuðla að því að draga úr umhverfisspjöllum með því að nota ferli og efni sem fækka þeim efnum, sem myndast og eru hugsanlega skaðleg, og endurheimta slík efni úr losun áður en henni er sleppt út, eða nota og endurvinna leifar frá framleiðslunni. Löndunum, sem falla undir ákvörðun Efnahags- og framfarastofnunarinnar, er skylt að sjá til þess að endurnýtingarstöðvar þeirra noti háþróaðar aðferðir til að

endurnýta úrgang. Háþróaðar endurnýtingaraðferðir eru mikilvægar þegar blöndur úrgangs innihalda misleitir tegundir úrgangs, s.s. gjall sem fellur til við vinnslu eðalmálma og koparvinnslu. Engin trygging er fyrir því að lönd, sem falla ekki undir ákvörðun Efnahags- og framfarastofnunarinnar, uppfylli þessar kröfur. Ákvæði um blöndur úrgangs, þ.m.t. gjall, sem fellur til við vinnslu eðalmálma og koparvinnslu og fellur undir OECD-færslu GB040 í III. viðauka A, gilda því ekki fyrir lönd sem falla ekki undir ákvörðun Efnahags- og framfarastofnunarinnar.

- 5) Því ber að breyta III. viðauka A og VI. viðauka við reglugerð (EB) nr. 1013/2006 til samræmis við þetta.
- 6) Rétt getur verið að endurskoða skrána yfir blöndur úrgangs í III. viðauka A, einkum færslurnar sem gilda ekki fyrir lönd sem falla ekki undir ákvörðun Efnahags- og framfarastofnunarinnar, og taka jafnframt tillit til upplýsinga frá þessum löndum um þá tæknikunnáttu sem þau búa yfir til þess að endurnýta úrgang og um umhverfissvæna meðhöndlun úrgangs.
- 7) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 18. gr. tilskipunar Evrópuþingsins og ráðsins 2006/12/EB<sup>(2)</sup>.

SAMÞYKKT REGLUGERÐ ÞESSA:

1. gr.

Í stað III. viðauka A og VI. viðauka við reglugerð (EB) nr. 1013/2006 komi textinn í viðaukanum við þessa reglugerð.

2. gr.

Endurskoða skal III. viðauka A, ef við á, innan 12 mánaða frá gildistöku þessarar reglugerðar, einkum til að taka tillit til upplýsinga frá löndum sem falla ekki undir ákvörðun Efnahags- og framfarastofnunarinnar að því er varðar tæknikunnáttu sem þau búa yfir til þess að endurnýta úrgang, og til staðfestingar á því að meðhöndlun úrgangs eigi sér stað við skilyrði sem jafngilda þeim sem eru fyrir hendi í þeim löndum sem falla undir ákvörðun Efnahags- og framfarastofnunarinnar.

3. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

(\*) Þessi EB-gerð birtist í Stjtið. ESB L 97, 16.4.2009, bls. 8. Hennar var getið í ákvörðun sameiginlegu EES-nefndarinnar nr. 150/2009 frá 4. desember 2009 um breytingu á XX. viðauka (Umhverfismál) við EES-samninginn, sjá *EES-viðbæti við Stjórnartíðindi Evrópusambandsins* nr. 12, 11.3.2010, bls. 50.

(<sup>1</sup>) Stjtið. ESB L 190, 12.7.2006, bls. 1.

(<sup>2</sup>) Stjtið. ESB L 114, 27.4.2006, bls. 9.

---

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. apríl 2009.

*Fyrir hönd framkvæmdastjórnarinnar,*

Stavros Dimas

*framkvæmdastjóri.*

---

## VIÐAUKI

1. Í stað III. viðauka A við reglugerð (EB) nr. 1013/2006 komi eftirfarandi:

## „III. VIÐAUKI A

**BLANDA AF TVEIMUR EÐA FLEIRI ÚRGANGSTEGUNDUM Í III. VIÐAUKA SEM EKKI ERU FLOKKADAR UNDIR EINA FÆRSLU SKV. 2. MGR. 3. GR.**

1. Hvort sem þessar blöndur eru tilgreindar í þessari skrá eða ekki mega þær ekki falla undir almennu kröfurnar um upplýsingar, sem mælt er fyrir um í 18. gr., ef þær eru mengaðar öðrum efnum í slíkum mæli að þær:
  - a) auki áhættu vegna úrgangsins svo mikið að hann falli undir málsmeðferð um skriflega fyrirframtílykynningu og fyrirframsamþykki, með tilliti til hættulegu eiginleikanna sem tilgreindir eru í III. viðauka við tilskipun 91/689/EBE eða
  - b) komi í veg fyrir vistvæna endurnýtingu úrgangsins.
2. Eftirfarandi blöndur úrgangs falla undir þennan viðauka:
  - a) blöndur úrgangs sem flokkast undir færslur B1010 og B1050 í Basel-samningnum,
  - b) blöndur úrgangs sem flokkast undir færslur B1010 og B1070 í Basel-samningnum,
  - c) blöndur úrgangs sem flokkast undir OECD-færslu GB040 og undir færslu B1100 í Basel-samningnum, en þær einskorðast við harðsinksúrgang, sindur sem inniheldur sink og álskúm, þó ekki saltgjall eða úrgang úr eldföstum föðringum, þ.m.t. deiglur, sem falla til við koparbræðslu,
  - d) blöndur úrgangs sem flokkast undir OECD-færslu GB040 og undir færslur B1070 og B1100 í Basel-samningnum, en þær einskorðast við úrgang úr eldföstum föðringum, þ.m.t. deiglur, sem falla til við koparbræðslu.

Færslurnar, sem um getur í c- og d-lið, gilda ekki um útflutning til landa sem falla ekki undir ákvörðun Efnahags- og framfarastofnunarinnar.“,

2. Í stað VI. viðauka við reglugerð (EB) nr. 1013/2006 komi eftirfarandi:

